

SCRIPT OF MORNING GOJRI NEWS BULLETIN 7FEB 2026

1015HRS

مارنگ گوجری نیوز بولٹن 7 فروری 2026

یوہ آکاشوانی جموں ہے باغ علی طاہر تیں خبر سُنو۔

HM JAMMU

مرکزی وزیر داخلہ امت شاہ جموں کشمیر مانہ ترقیاتی کماں غو جائیزو لیں غی خاطر اج سویرے اک اعلیٰ سطحی میٹنگ غی صدارت کر رہیا ہیں مہارا ضلع نمائندہ نے جانکاری دیتا واں دسیو ہے جے میٹنگ غے دوران ترقیاتی ٹانچہ گا پروجیکٹاں، سڑکاں، مرکزی سکیمیں تے مجموعی انتظامی پیش رفت غو جائیزو لیں جائگو۔ اس موقع ور متعلقہ محکماں غا سنئیر انتظامی افسر موجود ریں گا۔

RAJOURI POONCH RAIL LINE

مرکزی سرکار نے جموں کشمیر سرحدی تے اُچا پہاڑی علاقہ توڑی ریل رابطہ غی توسیع غی کاروائی غی رفتار مانہ بابدو کردتو ہے مرکزی ریلوے وزیر اشونی ویشنو نے راجیہ سبھا نانہ جانکاری دیتا واں دسیو ہے جے راجوری پونچھ مجوزہ ریل لائن غا کم نانہ ترجیحی بنیاداں ور اگے بدھاتاں واں اس غا سروے غا کم مانہ تیزی آئی جارئی ہے اُن غو کہنو تھو جے پروجیکٹ گو مقصد جموں کشمیر گا سرحدی علاقہ توڑی ریل رابطہ مہیا کرانو ہے اُنہاں نے دسیو ہے اس توں علاوہ بارہمولہ سرینگر ریل لائن غا کم نانہ وی مزید اگے بدھایو جارہیو ہے ریلوے وزیر نے مزید جانکاری دیتا واں دسیو ہے جے اُچا پہاڑی علاقہ واسطے خصوصی طور ور تیار کی گئی ریل گڈیاں تیں مثبت نتیجا برآمد ہو رہیا ہیں جس نال یوٹی مانہ مسافراں غی خدمات تے مجموعی رابطاں مانہ بہتری آئی ہے۔

DISCUSSION BUDGET

وزیر اعلیٰ عمر عبداللہ غی طرفوں کل 2026-27 غا مالی سال واسطے پیش کیا گیا بجٹ ور بحث اج تیں شروع ہوئی ہے اج سویرے 10 بجے ایوان غی کاروائی وقفہ سفر سنگ شروع ویگی کل وزیر اعلیٰ نے کنونشن مرکز جموں مانہ اک پریس کانفرنس سنگ خطاب غے دوران کلیدی ترجیحات عوامی مرکز ذیت ور مبنی سدھاراں تے مجموعی ترقی بابت بارے سرکار غی بصیرت ور لوہ پائی اُن غو کہنو تھو جے سرکار غو مقصد ذرائع غا موثر استعمال آمدنی مانہ معمولی بابت تے نقصانات مانہ کمی لیا غے ضرورت مند افراد نانہ متا توں متو فائدو پُجانو ہے وزیر اعلیٰ نے زور دیتا واں کہیو ہے جے سرکار آبستہ آبستہ بہبود ور مبنی طریقہ کار اپنان نانہ ترجیح دے رہی ہے تانجے چناوی وعداں نانہ اک دم پورا کیا جان غی وجہ نال خزانہ ور پین آلا زیادہ بوجھ تیں پر ہیز کیو جاسکے۔

ARMY CHIEF VISIT

فوج غا سربراہ جنرل اپندرا دوی ویدی نے سلامتی صورتحال تے پیشہ وارانہ تیاریاں غو جائیزو لین غی خاطر کل وائٹ ناٹ ناٹ کور غا صدر دفتر غو دورو لایو اس

موقع ور اُن نانہہ دہشت گردی مخالف حکمت عملی ور مبنی حفاظتی ٹانچہ بارے
جانکاری دتی گئی جرئل دوی ویدی نے حفاظتی دستاں بشکار رابطاں غی اس موقع
ور سراہنا کی ہے اپنا اس دورہ غے دوران اُنہاں نے علاقہ مانہہ دہشت گردی
مخالف کاروائیاں غے دوران عوام دوست طریقہ کار اپناں غی ضرورت ور زور
دیتاواں چوکشی برتن غی ضرورت ظاہر کی ہے اُنہاں نے ان کاروائیاں غی انجام
دیہی غی خاطر تمام فریقاں غی کوششاں غی تعریف وی کی ہے اُنہاں نے وائٹ
نائٹ کور غا دستاں غی طرفوں علاقہ مانہہ امن تے سلامتی غی صورتحال بحال رکھن
مانہہ اُن غی قیادت غا کردار ور پھروسہ غو اظہار وی کیوہے۔

NEWSHERA DAY

سن 1947-48 غے دوران ہوئی پہلی بھارت پاکستان جنگ غے دوران 6 فروری 1948
نانہہ ہوئی بھارت غی فتح غی یاد مانہہ کل یوم نوشہرہ بڑا احترام تے خُب الوطنی
غا جذبہ سنگ منایو گئو جموں کشمیر غی فوجی تاریخ غا سنگ میل غا طور ور
جانیا جان آلا اس واقعہ نانہہ برگئیڈیر عثمان غا ناں سنگ یاد کیو جائے جن نانہہ
نوشہرہ گا شیر غا طور ور جانیو جے واضع رہ جے برگئیڈیر عثمان غی قیادت
مانہہ بھارتی فوج نوشہرہ قصبہ ور دوبارہ قابض ہون مانہہ کامیاب ہوئی تھی
تقریبات غے دوران بھارتی فوج غی اس
تاریخی جت غو جشن منایو گئو۔

OTM TOURISM

جموں کشمیر محکمہ سیاحت غی طرفوں او ٹی ایم 2026 مانہہ شرکت کی جارئی ہے
جس غے دوران یو ٹی نانہہ اک برا سفری مقام غا طور ور اُجگر کیو جارہیو ہے
تفری تجارت ور مبنی یوہ 3 روزہ پروگرام گزشتہ 5 فروری نانہہ شروع ہو رہیو تھو
یوہ پروگرام جیو عالمی کنونشن مرکز ممبئی مانہہ منعقد ہو رہیو ہے جموں محکمہ
موسمیات غی طرفوں اپنا نمائشی حال مانہہ یعنی پولین مانہہ سرمایہ کاراں تے باقی
فریقاں نانہہ دعوت دتی ہے تانجے اُن نانہہ یو ٹی غا اہم جوئی تے وراثت ور مبنی
تے ماحول دوست سیاحتی سیکٹر در راغب کیو جاسکے۔

BHARAT DARSHAN TOUR

جموں گا سرحدی علاقہ تیں 24 بچاں ور مشتمل اک گروپ نے بھارت درشن دورہ
غے دوران جودھ پور گا تاریخی مقامات نانہہ دیکھیو ہے اس دورہ غے دوران
بچاں نانہہ بھارت غی امیر ثقافت تے تاریخی ورثہ نال واقف کرایو گئو ان بچاں نانہہ
راجستھان غا عجائیب کھراں فن تعمیر تے روایتاں گو پتو چلیو ہے جس نال اُن غی
چقافتی بیدادی مانہہ بادیو ہو سکیو ہے اس دورہ غو مقصد بچاں نانہہ بھارت غا
رنگا برنگا ورثہ قومی فخر تے تعلیمی وسعت تیں واقف کرانو ہے جہیزو اُن نانہہ
مقامی آس پاس تیں میسر نی آسکتو۔

WEATHER

محکمہ موسمیات غے مطابق آئندہ دناں مانہہ جموں کشمیر مانہہ موسم زیادہ تر
خشک رہن غا امکان ہیں البتہ اُچا علاقہ مانہہ معمولی غی تبدیلی دیکھی جاسکے۔

محکمہ موسمیات غے مطابق اج اسمان زیادہ تر خشک رہن غی توقع ہے۔اس غے
بعد 9تے 10 فروری نانہہ کُج اک جگہاں ور ہلکی بارش تے برف باری غو امکان ہے
اس غے بعد 11تے 12 فروری نانہہ موسم خشک رہن غی پیشن گوئی کی گئی ہے۔
